

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 7. sjednici, održanoj dana 09.02.2023. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline broj: 12/07-30-18743-7-3/22 od 01.02.2023. godine, dato po prijedlogu Javnog preduzeća „Zenicagas“ d.o.o. Zenica broj: 01-2583/23 od 13.01.2023. godine, kojim se predlaže da Skupština u Program rada za 2023. godinu uvrsti dopunu Kantonalnog ekološkog akcionog plana Zeničko-dobojskog kantona za period 2017.-2025. godina (KEAP-a), koje je sastavni dio ovog zaključka.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 09.02.2023. godine
Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x Javno preduzeće „Zenicagas“ d.o.o. Zenica, putem Ministarstva,
1x a/a.



Broj:12/07-30-18743-7-3/22
Zenica, 01.02.2023.godine

U skladu sa odredbama Poslovnika o radu Vlade Zeničko-dobojskog kantona («Službene novine Zeničko-dobojskog kantona», broj: 10/21) i aktom Vlade Zeničko-dobojskog kantona broj: 02-1-30-18743-7/22 od 19.01.2023. godine Ministarstvo za prostorno uređenje, promet i komunikacije i zaštitu okoline daje sljedeće:

MIŠLJENJE

Aktom Stručne službe Vlade Zeničko-dobojskog kantona broj: 02-1-30-18743-7/22 od 19.01.2023. godine dostavljen je akt Stručne službe Skupštine broj: 01-30-18743-6-1/22 od 16.01.2023. godine u čijem prilogu je od strane Stručne Službe Gradskog vijeća Grada Zenica dostavljen Prijedlog Javnog preduzeća „Zenicagas“ d.o.o. Zenica za Program rada Skupštine Zeničko-dobojskog kantona za 2023. godinu.

1. Prijedlog Javnog preduzeća „Zenicagas“ d.o.o. Zenica broj: 01-2583/23 od 13.01.2023. godine u kojem se predlaže dopuna Kantonalnog ekološkog akcionog plana Zeničko-dobojskog kantona za period 2017.-2025. godina (KEAP-a) na način da se u:

Poglavljju 7.3. Upravljanje kvalitetom zraka,

- Strateški cilj 1: Obezbijediti kvalitet zraka u skladu sa propisanim standardima i upravljanje kvalitetom zraka u skladu sa zakonskim propisima,
- Operativni cilj 1.1. Kontrola i smanjenje emisije u zrak, iza Mjere:
- 1.1.5. Izgradnja i proširenje mreže (sistema) daljinskog grijanja u urbanim područjima u cilju povećanja energetske efikasnosti, te povećanja komfora grijanja i smanjivanja emisija u zrak., dodaje nova Mjera koja uključuje sljedeće:
- Izgradnja i puštanje u rad primarnog distributivnog gasovoda na području Zeničko-dobojskog kantona u cilju smanjivanja emisije štetnih materija iz domaćinstava i poslovnih objekata.

U vezi sa navedenim prijedlogom Ministarstvo za prostorno uređenje, promet i komunikacije i zaštitu okoline daje sljedeći odgovor:

Tokom 2017. godine završena je izrada izuzetno značajnog strateškog dokumenta Kantonalnog ekološkog akcionog plana Zeničko-dobojskog kantona za period 2017.-2025. godina (KEAP-a), te je na 39. sjednici Skupštine Zeničko-dobojskog kantona održanoj 03.04.2017.godine donesena Odluka o donošenju Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina.

Kantonalni ekološki akcioni plan Zeničko-dobojskog kantona za period 2017-2025. godina (KEAP), kao zakonska obaveza svakog kantona u Federaciji BiH predstavlja razvojno-planski dokument koji na osnovu procjene stanja okoliša, utvrđenih okolišnih problema i definiranih akcija treba da doprinese unapređenju stanja okoliša na području Zeničko-dobojskog kantona. U skladu sa analizom stanja u oblasti zaštite okoliša, identifikovani su ciljevi i mjere koje treba poduzeti u narednom periodu kroz sve oblasti sa osvrtnom i na oblast upravljanja kvalitetom zraka.

KEAP-om su definisani strateški ciljevi do kojih se dolazi tačno definisanim mjerama i aktivnostima za sprovedbu tih strateških ciljeva.

Strateškim ciljem 1: Obezbijediti kvalitet zraka u skladu sa propisanim standardima i upravljanje kvalitetom zraka u skladu sa zakonskim propisima, definisan je Operativni cilj i mjera 1.1.5. Izgradnja i proširenje mreže (sistema) daljinskog grijanja u urbanim područjima u cilju povećanja energetske efikasnosti, te povećanja komfora grijanja i smanjivanja emisija u zrak.


Važeći strateški dokumenti Zeničko-dobojskog kantona za koje Javno preduzeće Zenicagas d.o.o. Zenica traži izmjene i dopune, već sadrže strateške ciljeve, operativne ciljeve, kao i mjere koje se odnose na izgradnju infrastrukturnih objekata tj. gasovoda, kao i na proširenje mreže (sistema) daljinskog grijanja.

Prijedlog Javnog preduzeća „Zenicagas” d.o.o. Zenica vezano za dopunu strateškog dokumenta KEAP-a novom mjerom koja glasi:

- Izgradnja i puštanje u rad primarnog distributivnog gasovoda na području Zeničko-dobojskog kantona u cilju smanjivanja emisije štetnih materija iz domaćinstava i poslovnih objekata, a u svrhu ostvarivanja prava na nepovratna sredstva Fonda za zaštitu okoliša FBiH, i ostalih fondova koji daju bespovratna sredstva za razvoj primarne distributivne gasne mreže, se smatra neosnovanim, jer se strateškim dokumentima definišu mjere i aktivnosti koje doprinose ostvarenju određenih strateških ciljeva, bez da se tim mjerama definišu vrste građevina i zahvata u prostoru, niti se definišu tehnički detalji i karakteristike koje se odnose na izgradnju građevina i zahvata u prostoru.

Iz svega navedenog proizilazi da je prijedlog Javnog preduzeća „Zenicagas” d.o.o. Zenica koji se odnosi na izmjenu i dopunu Kantonalnog ekološkog akcionog plana Zeničko-dobojskog kantona za period 2017.-2025. godina (KEAP-a) neprihvatljiv.

Obradivač akta:


Amra Pojskić

MINISTAR


Danijel Pašić